

Visoka škola računarstva i informatike eMPIRICOM
SENAT

Broj: 04-02-01-006/24-005/24

Tuzla, 10.01.2024. godine

Na osnovu člana 17. i 18. Statuta Visoke škole računarstva i informatike eMPIRICOM, Senat Visoke škole računarstva i informatike eMPIRICOM, na sjednici održanoj 10.01.2024. godine donio je

ODLUKU

o usvajanju izmjena Statuta Visoke škole računarstva i informatike eMPIRICOM

Član 1.

Član 22.-27. Statuta Visoke škole eMPIRICOM broj: 04-03-02-191/20-002/21 od 18.02.2021. godine mijenja se i glasi:

„V. CENTRI, AKADEMIJE I UREDI I ORGANI CENTARA, AKADEMIJA I UREDA

Član 22.

(Centri, akademije i uredi)

(1) U sklopu Visoke škole eMPIRICOM djeluju centri, akademije i uredi:

- a) Centar za obrazovanje na daljinu
- b) Ured za međunarodnu saradnju
- c) ICT poslovno inovacijski centar
- d) **Akademija cjeloživotnog učenja:**
 - a. Lokalna Cisco akademija mrežnih tehnologija
 - b. Oracle akademija
 - c. Certiport testni centar
 - d. STEM akademija.

(2) Centar za obrazovanje na daljinu pruža tehničku, didaktičku i organizacionu podršku za e-učenje i studij na daljinu. Centar saraduje sa akademskim i drugim osobljem, kao i drugim centrima i uredima Visoke škole eMPIRICOM u cilju razvoja e-sadržaja, izvođenja i evaluacije e-učenja za studijske programe na daljinu, a u skladu sa nastavnim planom i programom, analitikom silabusa, raspoloživim nastavnim i stručnim osobljem, materijalnim i tehničkim sredstvima.

(3) Osnovna djelatnost Ureda za međunarodnu saradnju je razvoj međuinstitucionalne i međunarodne saradnje, te obavljanje savjetodavnih, administrativnih i koordinacijskih poslova prilikom prijavljivanja i učestvovanja Visoke škole eMPIRICOM u međunarodnim naučno-istraživačkim i stručnim programima, programima mobilnosti studenata, akademskog i administrativnog osoblja, i drugim dostupnim programima i projektima.

(4) **ICT poslovno inovacijski centar** ima za cilj promovisanje preduzetništva i samozapošljavanja u IKT području među studentima i mladim stručnjacima, a kroz edukaciju, obezbjeđenje potrebne infrastrukture i asistenciju pri pokretanju i razvoju IKT poslovnih ideja i kompanija.

(5) Akademija cjeloživotnog učenja u svom konceptu djelovanja podržava ideju permanentnog obrazovanja, koji se u Bolonjskom kontekstu zove cjeloživotno učenje (*Lifelong Learning*). Akademija nudi osnovne i napredne programe edukacije, seminare, treninge, testiranja i certificiranja iz oblasti: informacijsko komunikacijskih tehnologija, STEM (nauka, tehnologija,

inženjerstvo i matematika), poslovno-informatičkog i srodnih osposobljavanja. U okviru Akademije cjeloživotnog učenja djeluju sljedeći centri i akademije:

- a. Lokalna Cisco akademija mrežnih tehnologija
- b. Oracle akademija
- c. Certiport testni centar
- d. STEM akademija.

(6) Visoka škola eMPIRICOM, u skladu sa zakonskim propisima i odlukama nadležnih organa, može osnovati i druge centre, akademije i urede, kao i njihove podorganizacione jedinice, dijeliti ih, spajati i ukidati. Ove odluke donosi Upravni odbor.

Član 23.

(Voditelj centra)

(1) Voditelj centra rukovodi centrom u skladu sa zakonom, Statutom i drugim općim aktima Visoke škole eMPIRICOM.

(2) Voditelja centra imenuje direktor na mandatni period od dvije godine, nakon čega može biti ponovno biran na tu funkciju.

Član 24.

(Voditelj ureda)

(1) Voditelj uredarukovodi uredom u skladu sa zakonom, Statutom i drugim općim aktima Visoke škole eMPIRICOM.

(2) Voditelja ureda imenuje direktor na mandatni period od dvije godine, nakon čega može biti ponovno biran na tu funkciju.

Član 25.

(Voditelj akademije)

(1) Voditelj akademije akademijom i njenim sastavnicama u skladu sa zakonom, Statutom i drugim općim aktima Visoke škole eMPIRICOM.

(2) Direktor može, u slučaju potrebe ili povećanog obima posla, imenovati voditelja za sastavnicu akademije, koji rukovodi sastavnicom u skladu sa zakonom, Statutom i drugim općim aktima Visoke škole eMPIRICOM, i koji u svom radu odgovaraju direktoru i Voditelju akademije.

(3) Voditelja akademije iz stava (1) i voditelja sastavnice akademije iz stava (2) ovog člana imenuje direktor na mandatni period od dvije godine, nakon čega može biti ponovno biran na tu funkciju.

Član 26.

(Nadležnost voditelja centra/voditelja ureda/voditelja akademije)

(1) Voditelj centra/voditelj ureda/voditelj akademije:

- a) organizuje i koordinira radom centra/ureda/akademije u skladu sa Statutom i drugim općim aktima i odgovoran je za zakonitost rada centra;
- b) predlaže opće i pojedinačne akte iz djelokruga rada centra/ureda/akademije u skladu sa zakonom i Statutom;
- c) predlaže direktoru mjere za efikasno i zakonito obavljanje djelatnosti centra/ureda/akademije;
- d) predlaže direktoru osnove planova rada i razvoja centra/ureda/akademije;
- e) izvršava odluke direktora, Senata, Upravnog odbora i drugih organa Visoke škole eMPIRICOM;

- f) podnosi direktoru izvještaj o programskom i finansijskom poslovanju centra/ureda/akademije;
- g) koordinira i prati provedbu poslova i aktivnosti iz djelokruga rada centra/ureda/akademije;
- h) obavlja i druge poslove u skladu sa zakonom i Statutom.

(2) Voditelj centra/voditelj ureda/voditelj akademije jednom godišnje podnosi direktoru izvještaj o svom radu i radu centra/ureda/akademije.

Član 27.

(Razrješenje voditelja centra/ voditelja ureda / voditelja akademije)

Voditelja centra/ voditelja ureda / voditelja akademije iz članova 23.-25. Statuta razrješava direktor, te imenuje vršioca dužnosti voditelja centra / voditelja ureda / voditelja akademije.

Član 2.

Ova odluka stupa na snagu danom donošenja.

PREDSJEDNIK
SENATA VISOKE ŠKOLE eMPIRICOM

mr.sci. Muhdin Mujačić, dipl.ing.el.

DOSTAVITI:

1x Upravni odbor
1x Senat Visoke škole eMPIRICOM;
1xMinistarstvo obrazovanja i nauke Tuzlanskog kantona;
1x a/a.